



Broj: 03/3-50-1-9-12/09
Sarajevo, 21.06.2009.

Z A P I S N I K
12. sjednice Zajedničkog povjerenstva za ekonomske reforme i razvoj,
održane 21.07.2009. godine

Sjednica je počela u 12 sati i 45 minuta.

Sjednicom je predsjedao g. Zoran Koprivica, predsjedatelj Komisije.

Sjednici su nazočili: g. Bajazit Jašarević, g. Mehmed Suljkanović, g. Ivo Miro Jović, g. Adem Ibrahimpašić, g. Rifat Dolić, Hazim Rančić, članovi Komisije.

Sjednici je, ispred Agencije za promidžbu stranih investicija u BiH (FIPA), nazočio g. Vesko Drljača, tajnik. Sjednici su nazočili i g. Christian Haupt, ravnatelj projekta i gđa. Lada Mujkić, USAID – Projekat jačanja Parlamenta, g. Amer Bekrić, tajnik Zajedničkog povjerenstva za ekonomske reforme i razvoj, te gđa. Medina Delalić iz Sektora za odnose sa javnošću.

Za sjednicu je predložen i jednoglasno usvojen sljedeći sljedeći

D N E V N I R E D

1. Usvajanje Zapisnika sa 11. sjednice Zajedničkog povjerenstva;
2. Analiza provedbe usvojenih zaključaka Zajedničkog povjerenstva;
3. Dokument Agencije za promidžbu stranih investicija u BiH „Kako Bosnu i Hercegovinu učiniti atraktivnijom za strana ulaganja“;
4. Poziv za suradnju USAID Projekta jačanja Parlamenta u Bosni i Hercegovini;
5. Tekuća pitanja

Ad.1.

Usvajanje Zapisnika 11. sjednice Zajedničkog povjerenstva za ekonomske reforme i razvoj

Zapisnik 11. sjednice Zajedničkog povjerenstva za ekonomske reforme i razvoj je jednoglasno usvojen.

Ad.2.

Analiza provedbe usvojenih zaključaka Zajedničkog povjerenstva

G. Zoran Koprivica se u uvodnom obraćanju osvrnuo na zaključke usvojene na 11. sjednici Zajedničkog povjerenstva, te izvršio analizu stupnja realiziranja zaključaka.

G. Amer Bekrić se osvrnuo na zaključak sa 7. sjednice Zajedničkog povjerenstva od 29.12.2008. donešen povodom rasprave o Otvorenom pismu Udruge za poduzetništvo i posao LiNK, kojim je zaključeno da se sa nadležnim Ministarstvom vanjske trgovine i ekonomskih odnosa, održi sastanak predstavnika Povjerenstva, kako bi se dala podrška procesu i vidjelo dokle se došlo po pitanju izrade Strategije razvoja malih i srednjih poduzeća na nivou BiH, te informirao prisutne da je predmetna Strategija usvojena od strane Savjeta ministara BiH u IV mjesecu tekuće godine.

Na prijedlog g. Koprivice jednoglasno je usvojen sljedeći **ZAKLJUČAK**:

- a) **Zaključak sa 7. sjednice Zajedničkog povjerenstva od 29.12.2008. donešen povodom rasprave o Otvorenom pismu Udruga za poduzetništvo i posao LiNK, kojim je zaključeno da se sa nadležnim Ministarstvom vanjske trgovine i ekonomskih odnosa, održi sastanak predstavnika Povjerenstva, smatra se realiziranim, obzirom da je Strategija usvojena od strane Savjeta ministara BiH u IV mjesecu tekuće godine;**
- b) **Analiza provedbe usvojenih zaključaka Zajedničkog povjerenstva je prihvaćena;**

Ad.3.

Dokument Agencije za unapređenje stranih investicija u BiH „Kako Bosnu i Hercegovinu učiniti atraktivnijom za strana ulaganja

G. Zoran Koprivica je dao uvodne napomene o Dokumentu Agencije za unapređenje stranih investicija u BiH „Kako Bosnu i Hercegovinu učiniti atraktivnijom za strana ulaganja“, te naglasio da je, u cilju realizacije zaključaka Zastupničkog doma Parlamentarne skupštine Bosne i Hercegovine sa 16. sjednice od 11.10.2007. godine, FIPA sačinila Informaciju o postojećem stanju i perspektivama u oblasti stranih ulaganja u Bosni i Hercegovini, koju je Vijeće ministara BiH razmotrio i usvojio na 52. sjednici od 12.06.2008. godine. Imajući u vidu dešavanja i značajne promjene u oblasti ekonomije, izazvane globalnom recesijom, FIPA je, u suradnji sa Agencijom za rad i zapošljavanje Bosne i Hercegovine, sačinila Dokument „Kako Bosnu i Hercegovinu učiniti atraktivnijom za strana ulaganja“, koji je Savjet ministara BiH razmotrilo i usvojilo na 91. sjednici od 17.06.2009. godine, uz zaduženje dato Agenciji za unapređenje stranih investicija u BiH da predmetni dokument dostavi Parlamentarnoj skupštini Bosne i Hercegovine, a koji je FIPA dostavila samo Zastupničkom domu Parlamentarne skupštine Bosne i Hercegovine.

G. Vesko Drljača, atjnik FIPA-e je detaljno pojasnio sve navode date u Dokumentu.

G. Adem Ibrahimpašić se u izlaganju naročito založio za potrebu da se predmetnim Dokumentom predlože mjere kojima se stvaraju uvjeti za bolju poziciju, odnosno kreira ravnopravna pozicija BiH proizvođača u okviru CEFTA Sporazuma.

G. Bajazit Jašarević smatra da, pored FIPA-e, u razgovorima o kreiranju povoljnijeg okružja za BH privredu trebaju učestvovati resorno nadležna ministarstva. Kritički se osvrnuo na Dokument FIPA-e i dao konkretne prijedloge za njegovo poboljšanje, odnosno ažuriranje naznačenih mjera (da se umjesto „ustopave sistema“ navede „daljnje unapređenje“ npr. javnih nabavki ili institucionalnog okvira za dodjelu koncesija). Dokument smatra uopćenim i predlaže da se preporuke raščlane na konkretne mjere kojima se eliminiraju barijere stranim ulaganjima, da se utvrde nadležne institucije za provedbu mjera, kao i rokovi za njihovu realizaciju.

G. Mehmed Suljkanović smatra ponuđeni dokument deklarativnim i općenitim. Naglašava potrebu njegovog konkretiziranja, kao i potrebu uspostave mehanizama davanja zaduženja i obvezivanja Savjeta ministara BiH (upozoravanja izvršne vlasti), te iniciranja i predlaganja konkretnih mjera.

G. Hazim Rančić, naglašavajući da ima identičan odnos prema svim zemljama koji su potpisnice sporazuma o CEFTA-e i trgovinski partneri Bosne i Hercegovine, kao primjer nejednakih reakcija domaćih i međunarodnih čimbenika, podvukao je paralelu između donošenja Zakona o zaštiti domaće proizvodnje i Odluke o koju je donijela Vlada R. Hrvatske a kojom se predviđa uvođenje privremene zaštitne mjere prilikom uvoza polutvrđih sireva i nadomjestaka za sir, kroz zaštitnu pristojbu u vidu povećane carine na uvoz sireva na carinsko područje R. Hrvatske. Smatra da reakcije na ta dva propisa nisu bile identične i da su, u slučaju Odluke Vlade R. Hrvatske, izostale odgovarajuće reakcije međunarodnih faktora. U odnosu na dokument FIPA-e traži preciznije definiranje spektra mjera za provođenje određenih aktivnosti (npr. poboljšanje kreditnog rejtinga BiH), kao i navođenje mjera za sprječavanje bescarinskih barijera koje druge države uvode za robe iz BiH. Također, traži uklanjanje oprečnih navoda u dokument koji se odnose na razloge za investiranje u odnosu na prepreke investiranju u BiH (navod o nepostojanju tržišta hartija od vrijednosti u odnosu na postojeće berze, kao i navod o potpuno reformiranom bankovnom sektor u odnosu na navod o skupom kapitalu). Kritički se osvrnuo na navode o privatizaciji, naročito strateškog sektora.

G. Rifat Dolić je, na primjeru pokušaja Saniteksa da izvozi u R. Sloveniju, govorio o odnosu Vlade R. Slovenije prema zaštiti domaće proizvodnje, konkretno prema higijensko-medicinskim proizvodima Tosame

Domžale, te o nepriznavanju čak i ISO standarda koje imaju BH kompanije. Smatra da u dokumentu FIPA-e nedostaju modaliteti centralizirane razmjene informacija sa potencijalnim ulagačima iz inozemstva.

G. Adem Ibrahimpašić naglašava potrebu inoviranja i dorade materijala FIPA-e i to svih navedenih stavki.

G. Ivo Miro Jović smatra da Zakon o zaštiti domaće proizvodnje predstavlja izravno kršenje međunarodnog ugovora. Osnovnu zamjerku vidi u selektivnosti zakona u odnosu na samo dvije zemlje, te što u obrazloženju zakona nema niti jednog elementa koji bi opravdao donošenje ovakvog zakona, odnosno nedostatku pojašnjenja razloga donošenja zakona. Dalje naglašava da je prilikom donošenja zakona prekršen kodeks ponašanja. U odnosu na dokument FIPA-e, kao izrazito negativnu, smatra činjenicu da je u tom dokumentu navedeno 14 razloga ZA investiranje i 53 razloga PROTIV investiranja u BiH.

G. Vesko Drljača, naglasio da se slaže sa većinom konstatacija, ali da stvaranje povoljnijeg ambijenta na BH tržištu, podrazumjeva reformiranje ekonomskog sustava BiH, što je kompleksan posao, u kome FIPA ima samo djelimičnu ulogu i nadležnost koja je definirana zakonom i odnosi se samo na promociju, unapređuje stranih investicija, kao i kreiranje imidža BiH.

Nakon provedene rasprave, Zajednička komisija je jednoglasno usvojila, te će se Zastupničkom domu predložiti na usvajanje sljedeći **ZAKLJUČCI**:

1. Predlaže se Zastupničkom domu da ne vodi raspravu o Dokumentu Agencije za unapređenje stranih investicija u BiH „Kako Bosnu i Hercegovinu učiniti atraktivnijom za inozemnih ulaganja“, dok Savjet ministara BiH, odnosno Agencija za unapređenje stranih investicija u BiH, ne obezbijedi inoviranje, ponovno razmatranje, razradu, usuglašavanje i sistematiziran pristup preporukama navedenim u poglavlju III PREPORUKE navedenog Dokumenta, uz navođenje konkretnih mjera, sa nositeljima poslova i rokovima implementiranja, u dijelu koji se odnosi na strana ulaganja;
2. Poziva se Agencija za unapređenje stranih investicija u BiH da u cijelosti ispoštiva zaduženje dobiveno od Savjeta ministara BiH, odnosno da predmetni dokument dostavi i Domu naroda Parlamentarne skupštine Bosne i Hercegovine.

Ad.4.

Poziv za suradnju USAID Projekta jačanja Parlamenta u Bosni i Hercegovini

U uvodnom izlaganju **G. Zoran Koprivica** je predstavio g. Christiana Haupta, ravnatelja projekta i gđa. Ladu Mujkić, suradnicu USAID – Projekat jačanja Parlamenta.

G. Christian Haupt, zahvalio se na pozivu, te ukratko predstavio Projekat podrške Parlamentarnoj skupštini BiH i ponudio suradnju Zajedničkom povjerenstvu za ekonomske reforme i razvoj, kroz pružanje ekspertske pomoći. Pozvao je Zajedničko povjerenstvo za ekonomske reforme i razvoj da u dogledno vrijeme iznese prijedloge, sugestije i ideje za suradnju.

G. Zoran Koprivica se zahvalio na učinjenoj ponudi, te izrazio nadu da će ponuda biti realizirana na zadovoljstvo svih.

Ad.5.

Tekuća pitanja

Pod ovom tačkom dnevnog reda nije bilo rasprave.

Sjednica je završena u 14,30 sati.

Tajnik Povjerenstva

Amer Bekrić

Predsjedatelj Povjerenstva

Zoran Koprivica